

光緒己卯歲新鐫

千金方衍義

校對無訛

步月山房藏板



孫真人列傳

孫思邈京兆華原人也七歲就學日誦千餘言弱
善談莊老及百家之說兼好釋典洛州總管獨孤
見而歎曰此聖童也但恨其器大適小難爲用也周
宣帝時思邈以王室多故乃隱居太白山隋文帝輔
政徵爲國子博士稱疾不起常謂所親曰過五十年
當有聖人出吾方助之以濟人及太宗卽位召詣京
師嗟其容色甚少謂曰故知有道者誠可尊重羨門
廣成豈虛言哉將授以爵位固辭不受顯慶四年高
宗召見拜諫議大夫又固辭不受上元元年辭疾請



歸特賜良馬及鄱陽公主邑司以居焉當時知名之
 士宋令文孟詵盧照隣等執師資之禮以事焉
 嘗從幸九成宮照隣畱柱其宅時庭前有病梨樹
 隣為賦其序曰癸酉之歲余臥疾長安光德公之官
 舍父老云是鄱陽公主邑司昔公主未嫁而卒故其
 邑廢時有孫思邈處士居之邈道合今古學殫數術
 高談正一則古之蒙莊子深入不二則今之維摩詰
 耳其推步甲乙度量乾坤則洛下閎安期先生之儔
 也照隣有惡疾醫所不能愈乃問思邈名醫愈疾其
 道何如思邈曰吾聞善言天者必質之于人善言人



者必本之于天。天有四時五行，寒暑迭代，其轉運也。和而爲雨，怒而爲風，凝而爲霜，雪張而爲虹霓。此美地之常數也。人有四肢五臟，一覺一寢，呼吸吐納，精氣往來，流而爲榮衛，張而爲氣色，發而爲音聲。此人之常數也。陽用其形，陰用其精，天地之所同也。及其失也，蒸則生熱，否則生寒，結而爲癘，贅陷而爲癰疽，奔而爲喘乏，竭而爲焦枯，診發乎面，變動乎中，推此以及天地亦如之。故五緯盈縮，星辰錯行，日月薄蝕，孛彗飛流，天地之危診也。寒暑不時，天地之蒸否也。石立土踊，天地之癘贅也。山崩土陷，天地之癰疽也。

奔風暴雨。天地之喘乏也。川瀆涸竭。王地之焦枯也。良醫導之以藥石。救之以鍼劑。聖人和之以至德。文之以人事故。形體有可愈之疾。天地有可消之災。曰。膽欲大而心欲小。智欲圓而行欲方。詩曰。如臨深淵。如履薄冰。謂小心也。趙趙武夫。公侯干城。謂大膽也。不爲利回。不爲義惕。行之方也。見幾而作。不俟終日。智之圓也。思邈自云。開皇己酉歲。生至今九十三矣。詢之鄉里。咸云數百歲人。話周齊間事。歷歷如眼見。以此參之。不啻百歲人矣。然猶視聽不衰。神采甚茂。可謂古之聰明博達不死者也。初魏徵等受詔。

修齊梁陳周隋五代史訪有遺漏屢詩之思邈口以傳授有如目觀東臺侍郎孫處約將其五子佺微佺佑佺侔以謁思邈思邈曰俊當先貴佑當晚達侔最重禍在執兵後皆如其言太子詹事盧齊卿童幼時請問人倫之事思邈曰汝後五十年位登方伯吾孫當爲屬使可自保也後齊卿爲齊州刺史思邈孫溥果爲徐州蕭縣丞思邈初謂齊卿之時溥猶未生而預知其事凡諸異跡多此類也永淳元年卒遺令溥葬不藏冥器祭祀無牲牢經月餘顏貌不改舉屍就木猶若空衣時人異之自注老子莊子撰千金方二

十卷行於代又撰福緣論三卷攝生真錄及枕中素

書會三教論各一卷子行天授中為鳳閣侍郎

生白

開皇乃托辭也如果生於隋何周宣
帝時便以王室多故隱居太白山耶



孫真人千金方本序

夫清濁剖判。上下攸分。三才肇基。五行俶落。萬物淳
朴。無得而稱。燧人氏出。觀斗極以定方名。始有火化。
伏羲氏乃因之而畫八卦。立庖廚。滋味既興。疴瘵萌
起。大聖神農氏。愍黎元之多疾。遂嘗百藥以救療之。
猶未盡善。黃帝受命。創制九鍼。與方士岐伯雷公之
倫。備論經脈。旁通問難。詳究義理。以爲經論。故後世
可得依而暢焉。春秋之際。良醫和緩。六國之時。則有
扁鵲。漢有仲景。倉公。魏有華佗。竝皆探蹟索隱。窮幽
洞微。用藥不過二三。灸炷不逾七八。而疾無不愈者。



晉宋以來。雖復名醫間出。然治十不能愈五六。良由
今人嗜欲太甚。立心不常。淫放縱逸。有闕攝養。所致
耳。余緬尋聖人設教。欲使家家自學。人人自曉。君親
有疾。不能療之者。非忠孝也。末俗小人。多行詭詐。倚
傍聖教。而爲欺給。遂令朝野士庶。咸恥醫術之名。多
教子弟誦短文。構小策。以求出身之道。醫治之術。闕
而弗論。吁可怪也。嗟乎。深乖聖賢之本意。吾幼遭風
冷。屢造醫門。藥之資罄。盡家產。所以青衿之歲。高
尚茲典。白首之年。未嘗釋卷。至於切脈診候。採藥合
和。服餌節度。將息避慎。一事長於己者。不遠千里伏

膺取決。至於弱冠。頗覺有悟。是以親鄰中外有疾厄者。多所濟益。在身之患。斷絕醫門。故知方藥本艱。不可不學。吾見諸方部帙浩博。忽遇倉卒。求檢至難。得方訖。疾已不救矣。嗚呼。痛天枉之多厄。惜墜學之昏愚。乃博採羣經。刪裁繁重。務在簡易。以爲備急。千金要方一部。凡三十卷。雖不能究盡病源。但使留意於斯者。亦思過半矣。以爲人命至重。有貴千金。一方濟之德。踰於此。故以爲名也。未可傳於士族。庶以貽厥私門。張仲景曰。當今居世之士。曾不畱神醫術。精究方藥。上以療君親之疾。下以救貧賤之厄。中以保

身長全以養其生。而但競逐榮勢。企踵權豪。孜孜汲汲。惟名利是務。崇飾其末。而忽棄其本。欲華其表。而悴其內。皮之不存。毛將安附。進不能愛人。知物退不能愛躬。知己卒遇風邪之氣。嬰非常之疾患。及禍至而後震慄。身居死地。蒙蒙昧昧。蠢若遊魂。降志屈節。欽望巫祝。告窮歸天。束手受敗。齎百年之壽命。將至貴之重器。委付庸醫。恣其所措。咄嗟暗悔。厥身已斃。神明消滅。變爲異物。幽潛重泉。徒爲一悲痛。夫與世昏迷。莫能覺悟。自矜若是。夫何榮勢之云哉。此之謂也。



孫真人千金方序

昔神農徧嘗百藥以辯五苦六辛之味逮伊尹
液之劑備黃帝欲創九鍼以治三陰三陽之疾
伯而砭艾之法精雖大聖人有意於拯民之瘼
賢明博通之臣或爲之先或爲之後然後聖人
爲得行於永久也醫家之務經是二聖二賢而
能事畢矣後之留意於方術者苟知藥而不知
灸未足以盡治療之體知灸而不知鍼未足以
能兼是聖賢之蘊者其名醫之良乎有唐真人
孫思邈者乃其人也以上智之材抱康時之志
當太宗治



平之際思所以佐迺后庇民之事以謂上醫之道道
聖人之政而王官之一守也而乃祖述農黃之旨發
明岐摯之學經掇扁鵲之難方採倉公之禁仲景黃
素元化綠帙葛仙翁之必效胡居士之經驗張苗之
藥對叔和之脉法皇甫謐之三部陶隱居之百一自
餘郭玉范汪僧垣阮炳上極文字之初下訖有隋之
世或經或方無不採摭集諸家之所祕要去衆說之
所未至成書一部總三十卷目錄一通臟腑之論鍼
灸之法脈證之辯食治之宐始婦人而次嬰孺先脚
氣而後中風傷寒癰疽消渴水腫七竅之疴五石之

毒備急之方養性之術總篇二百三十二門合方論
五千三百首莫不十全可驗四種兼包厚德過於
金遺法傳於百代使二聖二賢之美不墜於地而
之人得以階近而至遠上識於三皇之奧者孫真人
善述之功也然以俗尚險怪我道純正不述刳腹易
心之異世務徑省我書浩博不可道聽塗說而知是
以學寡其人寢以紛靡賢不繼世簡編斷缺不知者
以異端見黜好之者以闕疑輟功恭惟我朝以好生
爲德以廣愛爲仁迺詔儒臣正是墜學臣等述謝多
通職專典校於是請內府之祕書探道藏之別錄公

私衆本搜訪幾遍得以正其訛謬補其遺佚文之重
復者削之事之不倫者緝之編次類聚期月功至綱
領雖有所立文義猶或疑阻是用端本以正末如葉
問九墟靈樞甲乙太素巢源諸家本草前古脈書玉
函金匱肘後備急謝士秦剛繁書劉涓子鬼遺論之
類事關所出無不研核尚有所闕而又沂流以討源
如五鑿經千金翼崔氏纂要延年祕錄正元廣利外
臺祕要兵部手集夢得傳信之類凡所派別無不考
理互相質正反覆稽參然後遺文疑義煥然悉明書
雖是舊用之惟新可以濟含靈裨明聖好生之治可

以傳不朽副主上廣愛之心非徒爲太平之潤色實

可佐皇極之錫福校讎既成繕寫伊始恭以上進席

備親覽太子右贊善大夫臣高保衡尚書都官員外

郎臣孫奇尚書司封郎中充祕閣校理臣林億尚書

工部侍郎兼侍講臣錢象先等謹上



Vertical columns of text, likely bleed-through from the reverse side of the page. The text is extremely faint and illegible.

